

Smrt Omera Pobrića: "Isović, Imamović i Polovini se pridružio prvak sevdalinki"

21/01/2010 11:17 by Administrator

Na vijest o iznenadnoj smrti Omera Pobrića, jednog od najvećih muzičara BiH i osnivača Instituta sevdaha, u izjavi za RTM.ba reagovao je predsjednik mostarske podružnice Instituta sevdaha, Miralem Gluhović. On je iskazao duboko žaljenje zbog gubitka čovjeka koji je dao život za BiH, za njenu kulturu, za njen imidž i za "miruh BiH u sevdahu".

"On je radio i stvarao, kroz sevdah i tekstove, i muziku i prijatelje i stvorio je mladu generaciju, koja će nakon njega nastaviti tamo gdje je on stao. Znao je da kada je nešto dobro i lijepo, kad je u sevdahu kvalitetno, kako "nema dalje". No, danas smo saznali, a jutros shvatili da za našeg Omera, našeg osnivača, našeg primarijusa sevdaha "nema dalje", a za nas i sva njegova djela mora biti dalje, da nastavimo tamo gdje je on stao", kaže za RTM.ba Miralem Gluhović. On je rekao i kako su već otišli Safet Isović, Zaim Imamović i Himzo Polovina, te da im se na tom putu pridružio i "njihov brat i prvak sevdalinki i nosilac bajraka sevdaha, Omer Pobrić". "Nama ostaje žal i sjećanje za čovjekom-institucijom, a i ponos što smo bili njegovi saputnici na ovom svijetu", dodao je Gluhović. On je izrazio i saučestiti porodici rahmetli Omera Pobrića, njegovoj supruzi Muneveri, djeci i unuci i svim poklonicima sevdaha.

Izvor vijesti: 24sata.info